



Na osnovu člana 1. Zakona o dopunama zakona o koncesijama („Službene novine FBiH“, broj: 61/06), člana 8. i 56. Zakona o principima lokalne samouprave („Službene novine FBiH“, broj: 49/06), člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08.), Odluke Općinskog vijeća Maglaj broj: 02-05-1-2636/15 od 29.12.2015. godine, zahtjeva Ministarstva za poljoprivredu, šumarstvo i vodoprivredu ZE-DO kantona broj: 05-25-10465-1/17 od 04.01.2018. godine i Odgovora na zahtjev broj: 05-25-10465-2/17 od 31.03.2018. godine i dopisa Općinskog načelnika broj: 05-25-4-254/18 od 12.02.2018. godine, Općinsko vijeće Maglaj na sjednici održanoj dana _____, 2018. godine, d o n o s i

Z A K L J U Č A K
o davanju saglasnosti na Odluku Općinskog vijeća Maglaj
broj: 02-05-1-2636/15 od 29.12.2015. godine

Član 1.

DAJE SE saglasnost na ranije donesenu Odluku Općinskog vijeća Maglaj broj: 02-05-1-2636/15 od 29.12.2015. godine za provođenje postupka dodjele koncesije po zahtjevu Ministarstva za poljoprivredu, šumarstvo i vodoprivredu ZE-DO kantona, kojom je data saglasnost za provođenje postupka moguće dodjele koncesije za crpljenje i zahvaćanje vode sa izvorišta „Rakovac“.

Član 2.

Prilikom provođenja procedure dodjele koncesije, zaključivanja ugovora o koncesiji te adekvatnim nadzorom, potrebno je ispoštovati odredbe Zakona o koncesijama.

Član 3.

Koncesionar ima obavezu pribavljanja svih relevantnih saglasnosti i dozvola prije potpisivanja koncesionog ugovora.

Član 4.

Ovaj Zaključak je sastavni dio ranije donesene Odluke Općinskog vijeća Maglaj broj: broj: 02-05-1-2636/15 od 29.12.2015. godine, i stupa na snagu narednog dana od dana objave u „Službenim novinama Općine Maglaj“.

Broj:
Datum:

PREDSJEDAVALAČA OV
Svjetlana Zamboni

O b r a z l o ž e n j e

Ministarstvo za poljoprivredu, šumarstvo i vodoprivredu ZE-DO kantona aktom broj: 05-25-10465-1/17 od 04.01.2018. godine obratilo se Općinskom vijeću Maglaj kojim traži „Saglasnost za provođenje postupka dodjele koncesije“ po zahtjevu „Nerken“ doo Maglaj, tačnije da se izjasni da li je došlo da promjene bilo kakvih okolnosti koje bi mogle imati uticaj na ponovno raspisivanje javnog poziva za dodjelu koncesije, odnosno da potvrde da li ostaju pri ranije donesenoj Odluci Općinskog vijeća Maglaj broj: 02-05-1-2636/15 od 29.12.2015. godine.

Kada je u pitanju davanje saglasnosti za provođenje postupka dodjele koncesije po zahtjevu „Nerken“ doo Maglaj, Općinsko vijeće Maglaj svojom je Odlukom broj: 02-05-1-2636/15 od 29.12.2015. godine dalo je saglasnost za provođenje postupka dodjele koncesije za crpljenje i zahvaćanje vode sa izvorišta „Rakovac“. Kako navedena Odluka nije vezana za rok važenja, nego je data kao opći pravni akt - saglasnost za provođenje postupka dodjele koncesije na izvorištu „Rakovac“, Općina je pismenim putem dana 22.01.2018. godine od Ministarstva za poljoprivredu, šumarstvo i vodoprivredu ZE-DO kantona zatražila dodatne informacije, obzirom da se iz dopisa broj: 05-25-10465-1/17 od 04.01.2018. godine ne može utvrditi koji pravni akt je potrebno dodatno dostaviti od strane Općinskog vijeća Maglaj, odnosno ne vidi se razlog za donošenje nove Odluke za davanje saglasnosti za provođenje novog postupka dodjele koncesije za crpljenje i zahvaćanje vode sa izvorišta „Rakovac“, tako da je zatraženo da nam dostave detaljniju informaciju sa konkretnim instrukcijama za postupanje.

U skladu s tim Ministarstvo za poljoprivredu, šumarstvo i vodoprivredu ZE-DO kantona aktom broj: 05-25-10465-2/17 od 31.01.2018. godine obavijestilo je Općinu Maglaj da Općinsko vijeće Maglaj, ako smatra da nije došlo do promjene bilo kakvih okolnosti koje bi mogle uticati na ponovno raspisivanje javnog poziva o dodjeli koncesije za predmetnu koncesiju, dovoljno je da potvrdi da ostaje pri ranije donesenoj Odluci broj: 02-05-1-2636/15 od 29.12.2015. godine.

S tim u vezi, a u skladu sa članom 2. Odluke Općinskog vijeća Maglaj broj: 02-05-1-2636/15 od 29.12.2015. godine, Služba za privredu, finansije/finansije i razvoj poduzetništva se pismeno obratila Službi za urbanizam, geodetske i imovinsko pravne poslove kojim je zatražila da se pismeno izjasne o konkretnom slučaju odnosno da li su u međuvremenu nastupile kakve promjene a koje bi iziskivale promjenu već ranije donesene Odluke Općinskog vijeća Maglaj. Na traženje Službe pismeno je dostavljen akt od strane Općinskog načelnika Maglaj broj: 05-25-4-254/18 od 12.02.2018. godine, u kojem stoji da „Identifikacijom predmetnog zemljišta iz člana 2. Odluke Općinskog vijeća Maglaj broj: 02-05-1-2636/15 od 29.12.2015. godine o davanju saglasnosti za provođenje postupka dodjele koncesije u katastru zemljišta, i nakon izvršenog uvida u prostorno plansku dokumentaciju – Prostorni plan Općine Maglaj u okviru kojeg obuhvata se nalazi navedeno zemljište, utvrđeno je da nema promjena u odnosu na navedene konstatacije u članu 2. Odluke koje se odnose na status zemljišta označenog sa k.č. broj: 2873/1 “Palučci” šuma 3 klase, površine 1.913.978 m² k.o. Donji Rakovac po planskoj dokumentaciji. Za područje iz člana 2. Odluke osnov za definisanje preduslova za promjene u prostoru je Prostorni plan Općine Maglaj i Odluka o provođenju Prostornog plana Općine Maglaj koji su objavljeni u Službenom glasniku Općine Maglaj broj: 2/90, i Odluka Općinskog vijeća Maglaj o produženju roka primjene Prostornog plana Općine Maglaj koja je objavljena u Službenim novinama Općine Maglaj broj: 1 /13”.

OBRAĐIVAČ:

Služba za privredu, finansije/finansije
i razvoj poduzetništva Općine Maglaj